

1686.

Na osnovu člana 159 stav 3 Zakona o upravnom postupku („Službeni list CG”, br. 56/14, 20/15, 40/16 i 37/17), Ministarstvo javne uprave donijelo je

**PRAVILNIK
O SADRŽAJU GODIŠNJEG IZVJEŠTAJA O POSTUPANJU U UPRAVNIM
STVARIMA I BLIŽEM SADRŽAJU I NAČINU VOĐENJA EVIDENCIJE O
POSTUPANJU U UPRAVNIM STVARIMA**

Član 1

Ovim pravilnikom propisuje se sadržaj godišnjeg izvještaja državnih organa, organa državne uprave, organa lokalne samouprave, organa lokalne uprave, ustanova i drugih subjekata koji vrše javna ovlašćenja (u daljem tekstu: javnopravni organ) o postupanju u upravnim stvarima, kao i bliži sadržaj i način vođenja evidencije o postupanju u upravnim stvarima koju vodi javnopravni organ.

Član 2

Izrazi koji se u ovom pravilniku koriste za fizička lica u muškom rodu podrazumijevaju iste izraze u ženskom rodu.

Član 3

Evidencija o postupanju u upravnim stvarima (u daljem tekstu: evidencija) koju vodi prvostepeni javnopravni organ sadrži:

- 1) broj prenesenih predmeta iz ranijeg perioda izvještavanja;
- 2) broj predmeta vraćenih na ponovni postupak;
- 3) broj postupaka pokrenutih u periodu izvještavanja;
- 4) ukupan broj predmeta u periodu izvještavanja (broj postupaka po zahtjevu stranke i po službenoj dužnosti);
- 5) broj riješenih predmeta;
- 6) broj zahtjeva odbijenih iz formalnih razloga;
- 7) broj obustavljenih postupaka;
- 8) broj negativnih rješenja (odbijenih zahtjeva);
- 9) broj pozitivnih rješenja (usvojenih zahtjeva);
- 10) broj predmeta riješenih u zakonskom roku;
- 11) broj predmeta riješenih u opravdano produženom roku;
- 12) broj predmeta riješenih nakon isteka zakonskog roka;
- 13) broj neriješenih predmeta na kraju perioda izvještavanja;
- 14) broj primljenih žalbi na rješenja prvostepenog organa;
- 15) broj neriješenih žalbi na rješenja prvostepenog organa;
- 16) ukupan broj žalbi u periodu izvještavanja;
- 17) broj odbijenih žalbi;
- 18) broj rješenja kojima prvostepeni organ zamjenjuje svoje rješenje po žalbi;
- 19) broj po žalbi poništenih rješenja kad je drugostepeni organ donio meritorno rješenje;
- 20) broj po žalbi poništenih rješenja kad je predmet vraćen prvostepenom organu na ponovni postupak;
- 21) broj po žalbi poništenih rješenja – drugo;
- 22) ukupan broj po žalbi poništenih rješenja;
- 23) broj neriješenih upravnih izvršenja prenijetih iz ranijeg perioda izvještavanja;
- 24) broj pokrenutih upravnih izvršenja u periodu izvještavanja;
- 25) ukupan broj izvršenja u periodu izvještavanja;
- 26) broj izvršenja preko drugih lica;
- 27) broj izvršenja putem novčanih kazni;

- 28) broj izvršenja neposrednom prinudom;
- 29) broj izvršenja po osnovu poravnanja;
- 30) broj obustavljenih izvršenja;
- 31) broj rješenja kojima se odbija zahtjev za ponavljanje postupka;
- 32) broj rješenja u ponovljenom postupku koja su ostavljena na snazi;
- 33) broj rješenja u ponovljenom postupku koja su zamijenjena novim rješenjem;
- 34) ukupan broj rješenja u ponovljenom postupku;
- 35) broj odloženih izvršenja;
- 36) broj poništenih rješenja po članu 139 Zakona o upravnom postupku (u daljem tekstu: Zakon);
- 37) broj poništenih rješenja po članu 140 Zakona;
- 38) broj ukinutih rješenja po članu 140 Zakona;
- 39) broj ukinutih zakonitih rješenja (član 141 Zakona);
- 40) broj poništenih i izmijenjenih rješenja u vezi sa upravnim sporom (član 143 Zakona);
- 41) broj sklopljenih upravnih ugovora;
- 42) broj izmijenjenih upravnih ugovora zbog promijenjenih okolnosti;
- 43) broj raskinutih upravnih ugovora zbog promijenjenih okolnosti;
- 44) broj jednostrano raskinutih upravnih ugovora;
- 45) broj poništenih upravnih ugovora;
- 46) broj izdatih uvjerenja iz službenih evidencija (član 33 Zakona);
- 47) broj izdatih uvjerenja o drugim činjenicama (član 34 Zakona);
- 48) broj neriješenih prigovora prenijetih iz ranijeg perioda izvještavanja;
- 49) broj primljenih prigovora u periodu izvještavanja;
- 50) ukupan broj prigovora u periodu izvještavanja;
- 51) broj prigovora odbijenih iz formalnih razloga;
- 52) broj prigovora odbijenih iz materijalno pravnih razloga; i
- 53) broj usvojenih prigovora.

Član 4

Evidencija koju vodi drugostepeni javnopravni organ sadrži:

- 1) broj neriješenih žalbi prenijetih iz ranijeg perioda izvještavanja;
- 2) broj žalbi primljenih u periodu izvještavanja;
- 3) ukupan broj žalbi u periodu izvještavanja;
- 4) broj žalbi odbijenih iz formalnih razloga;
- 5) broj žalbi odbijenih iz materijalno pravnih razloga;
- 6) broj obustavljenih postupaka;
- 7) broj poništenih rješenja kad je drugostepeni organ donio meritorno rješenje;
- 8) broj poništenih rješenja kad je predmet vraćen prvostepenom organu na ponovni postupak;
- 9) broj izmijenjenih rješenja;
- 10) ukupan broj riješenih žalbi u periodu izvještavanja;
- 11) broj neriješenih žalbi na kraju perioda izvještavanja;
- 12) broj rješenja kojim je žalba odbijena;
- 13) broj rješenja kojima se odbija zahtjev za ponavljanje postupka;
- 14) broj rješenja u ponovljenom postupku koja su ostavljena na snazi;
- 15) broj rješenja u ponovljenom postupku koja su zamijenjena novim;
- 16) ukupan broj rješenja u ponovljenom postupku;
- 17) broj poništenih rješenja po članu 139 Zakona;
- 18) broj poništenih rješenja po članu 140 Zakona;
- 19) broj ukinutih rješenja po članu 140 Zakona;
- 20) broj ukinutih zakonitih rješenja (član 141 Zakona);

- 21) broj podnijetih tužbi;
- 22) broj poništenih i izmijenjenih rješenja u vezi sa upravnim sporom (član 143 Zakona);
- 23) broj usvojenih tužbi;
- 24) broj odbijenih tužbi; i
- 25) ukupan broj odluka Upravnog suda Crne Gore.

Član 5

Evidencija se vodi u elektronskoj formi.

Član 6

Godišnji izvještaj o postupanju u upravnim stvarima (u daljem tekstu: godišnji izvještaj) sačinjava se na osnovu evidencije javnopravnog organa i sadrži brojevi (statistički) prikaz stanja u izvještajnom periodu i tekstualni dio koji sadrži ocjenu stanja i predloge mjera za unapređenje stanja u upravnoj oblasti.

Pored podataka iz stava 1 ovog člana, godišnji izvještaj sadrži i podatke o zaključenim upravnim ugovorima (broj, datum i mjesto zaključenja upravnog ugovora, ugovorne strane i dr.), kao i podatke o broju poništenih, odnosno ukinutih nezakonitih rješenja i broju ukinutih zakonitih rješenja.

Član 7

Brojevi (statistički) prikaz godišnjeg izvještaja prvostepenog javnopravnog organa sadrži:

- 1) naziv prvostepenog organa;
- 2) broj pokrenutih upravnih postupaka po zahtjevu stranke;
- 3) broj pokrenutih upravnih postupaka po službenoj dužnosti;
- 4) broj neriješenih predmeta sa podatkom o broju neriješenih predmeta iz prethodne godine;
- 5) broj riješenih predmeta u izvještajnom periodu;
- 6) broj usvojenih i broj odbijenih zahtjeva;
- 7) broj predmeta riješenih u roku;
- 8) broj predmeta riješenih po isteku roka;
- 9) broj obustavljenih postupaka;
- 10) broj podnijetih žalbi;
- 11) broj rješenja donijetih po zahtjevu za ponavljanje postupka;
- 12) broj podnijetih prigovora (broj usvojenih i broj odbijenih prigovora);
- 13) broj i vrstu izdatih uvjerenja i drugih isprava o činjenicama o kojima se vodi službena evidencija;
- 14) broj i vrstu izdatih uvjerenja i drugih isprava o činjenicama o kojima se ne vodi službena evidencija; i
- 15) podatke o upravnom izvršenju (broj izvršenja preko drugih lica, broj izvršenja neposrednom prinudom, broj izvršenja na osnovu poravnjanja, broj obustavljenih izvršenja i broj odloženih izvršenja).

Član 8

Brojevi (statistički) prikaz godišnjeg izvještaja drugostepenog javnopravnog organa sadrži:

- 1) naziv drugostepenog organa;
- 2) ukupan broj žalbi u toku godine;
- 3) broj neriješenih žalbi u toku godine sa podatkom o broju neriješenih predmeta iz prethodne godine;
- 4) ukupan broj predmeta riješenih u drugostepenom postupku;
- 5) broj predmeta riješenih u roku u drugostepenom postupku;
- 6) broj predmeta riješenih po isteku roka u drugostepenom postupku;

- 7) broj po žalbi poništenih rješenja kad je drugostepeni organ donio meritorno rješenje;
- 8) broj po žalbi poništenih rješenja kad je predmet vraćen prvostepenom organu na ponovni postupak;
- 9) broj po žalbi izmijenjenih rješenja;
- 10) broj obustavljenih postupaka;
- 11) broj zahtjeva za ponavljanje postupka (broj usvojenih i odbijenih zahtjeva); i
- 12) podatke o upravnom sporu (broj podnijetih tužbi, ukupan broj odluka Upravnog suda Crne Gore, broj usvojenih i broj odbijenih tužbi).

Član 9

Ovaj pravilnik stupa na snagu osmog dana od dana objavljivanja u „Službenom listu Crne Gore“.

Broj: 01-011/17-5693

Podgorica, 28. novembra 2017. godine

Ministarka,
Suzana Pribilović